

安慰失恋女生的诗

1.
羞日遮罗袖，愁春懒起妆。易求无价宝，难得有心郎。枕上潜垂泪，花间暗断肠。自能窥宋玉，何必恨王昌？——鱼玄机《赠邻女》
2.
花褪残红青杏小。燕子飞时，绿水人家绕。枝上柳绵吹又少，天涯何处无芳草！墙里秋千墙外道。墙外行人，墙里佳人笑。笑渐不闻声渐悄，多情却被无情恼。——苏轼《蝶恋花·春景》
3.
中岁颇好道，晚家南山陲。兴来每独往，胜事空自知。行到水穷处，坐看云起时。偶然值林叟，谈笑无还期。——王维《终南别业》
4.
得即高歌失即休，多愁多恨亦悠悠。今朝有酒今朝醉，明日愁来明日愁。——罗隐《自遣》
5.
春有百花秋有月，夏有凉风冬有雪。若无闲事在心头，便是人间好时节。——释梵思《颂古九首》
6.
人生若只如初见，何事秋风悲画扇。等闲变却故人心，却道故人心易变。骊山语罢清宵半，泪雨霖铃终不怨。何如薄幸锦衣郎，比翼连枝当日愿。——纳兰容若《木兰词·拟古决绝词柬友》
7.
少日春怀似酒浓，插花走马醉千钟。老去逢春如病酒，唯有，茶瓯香篆

小帘栊。卷尽残花风未定，休恨，花开元自要春风。试问春归谁得见？
飞燕，来时相遇夕阳中。——辛弃疾《定风波·暮春漫兴》

8.
残灯无焰影幢幢，此夕闻君谪九江。垂死病中惊坐起，暗风吹雨入寒窗。
。——元稹《闻乐天授江州司马》

9.
千年调，一旦空，惟有纸钱灰晚风送。尽蜀鹃啼血烟树中，唤不回一场
春梦。——阿鲁威《落梅风》

10.
千里来书只为墙，让他三尺又何妨？万里长城今犹在，不见当年秦始皇。
。——张英《观家书一封只缘墙事聊有所寄》

11.
当年五陵下，结客占春游。红缨翠带，谈笑跋马水西头。落日经过桃叶
，不管插花归去，小袖挽人留。换酒春壶碧，脱帽醉青楼。楚云惊，陇
水散，两漂流。如今憔悴，天涯何处可销忧。长揖飞鸿旧月。不知今夕
烟水，都照几人愁。有泪看芳草，无路认西州。——朱敦儒《水调歌头
·淮阴作》

12.
纤云弄巧，飞星传恨，银汉迢迢暗度。金风玉露一相逢，便胜却人间无
数。柔情似水，佳期如梦，忍顾鹊桥归路！两情若是久长时，又岂在朝
朝暮暮。——秦观《鹊桥仙·纤云弄巧》

13.自能窥宋玉，何必恨王昌？——鱼玄机《赠邻女》

14.
绿蚁新醅酒，红泥小火炉。晚来天欲雪，能饮一杯无？——白居易《问
刘十九》

15.

彼狡童兮，不与我言兮。维子之故，使我不能餐兮。彼狡童兮，不与我食兮。维子之故，使我不能息兮。——《国风·郑风·狡童》

16.

如今却忆江南乐，当时年少春衫薄。骑马倚斜桥，满楼红袖招。翠屏金屈曲，醉入花丛宿。此度见花枝，白头誓不归。——韦庄《菩萨蛮·如今却忆江南乐》

17.

水纹珍簟思悠悠，千里佳期一夕休。从此无心爱良夜，任他明月下西楼。——李益《写情》

18.

闻君有他心，拉杂摧烧之。摧烧之，当风扬其灰！从今以往，勿复相思，相思与君绝！——《有所思》

19.

世情薄，人情恶，雨送黄昏花易落。晓风干，泪痕残。欲笺心事，独语斜阑。难，难，难！人成各，今非昨，病魂常似秋千索。角声寒，夜阑珊。怕人寻问，咽泪装欢。瞞，瞞，瞞！——唐婉《钗头凤·世情薄》

本文链接：<https://duanjuziku.com/duanjuzi/0pkr53rjq5.html>